

КАНОН СВЯТОМУ АРХАНГЕЛУ МИХАИЛУ

Глас 4-й

Песнь 1

Ирмос: Отвѣрзу уста моя, и наполнятся Духа, и слово отрыгну Царице Матери; и явлюся светло торжествуя, и воспою радуясь Той чудеса.

Припев: Святы́й Архистрати́же Михаи́ле, моли́ Бо́га о нас.

Божественными светлостьми облиставаем всегда, ум мой озари, еже воспети тя, Архистрати́же горних воинств, всех утверждение притекающих к тебе.

Святы́й Архистрати́же Михаи́ле, моли́ Бо́га о нас.

Ум пребезначальный, премирного чина начальника покажи ты, преславне Архистрати́же, и свет сущих во тьме, и божественное украшение Церкви своей.

Слава: Умов превышая небесных в силе и благолепии, дольным же всеизряднейше, Михаи́ле, явился еси ограждение и оружие, враги потребляющее.

И ныне: Дево Всенепорочная, Ангелов радование, человеков помощи, Ты мне помози мореплавающему, и в буре греха присно впадающе и бедствующу.

Песнь 3

Ирмос: Твоя песнословцы, Богородице, живый и независтный источник, лик себе совокупльшыя духовно утверди, в Божественной Твоей славе венцев славы сподоби.

Святы́й Архистрати́же Михаи́ле, моли́ Бо́га о нас.

Крепостию Божественною, воеводо Ангелов всехвальне, обходиши всю землю, от лютых ны изымая, призывающыя твое преславное имя.

Святы́й Архистрати́же Михаи́ле, моли́ Бо́га о нас.

Яко богоподобен проповедник, яко предстатель верных непостыден, заблуждших путевождь, и наказатель был еси вину, Архистрати́же боговиднейший.

Слава: Божественного сияния чистейшее зеркало явился еси, озаряя лучами трисолнечного Божества вся дальная, на небеси и на земли, Михаи́ле Первоангеле, досточудне.

И ныне: Невещественныя Умы составивый волю, в вещественное Твое чрево вселися хотением, Всенепорочная, плотию зрим николиже зренный.

Седален, глас 1-й

Лик Ангельский Архистрати́га имея, божественного Михаи́ла, с ним Святей Троице немолчное приносит пение: из не сущих бо Содетель всяческих воинства огнезрачных чинов, словом приведи.

Слава, и ныне: Упование христиан Пресвятая Дево, Егоже родила еси Бога, паче ума же и слова, непрестанно моли с вышними силами, подати нам оставление грехов, и исправление жития, верою и любовью присно Тя славящим.

Песнь 4

Ирмос: Седая в славе на Престоле Божества, во облаце легце прииде Иисус

Пребожественный, нетленною дланию, и спасе зовущия: слава Христе силе Твоей.

Святый Архистратиге Михайле, моли Бога о нас.

Ум сый безначальный, Ангельския Умы хотением всемошным создал еси, начальника посреде их Михайла соделав, всеблаженным причастием славы Твоея просвещаем, и умными богочаалии облистаем.

Святый Архистратиге Михайле, моли Бога о нас.

Пение Трисвятое со Престола и Начала, и Силами, и Властью, и священными Господства возглашаеши Троице, преславне Михайле.

Слава: Величаем всех Творца же и Господа, за благоутробие давшего небориму стелу и забрало Михайла нам, светозарнаго Архистратига.

И ныне: Мысленно, Дево, Твоего Пречистаго Рождества преславное в душе провидев событие древле пророк, Гору Тя Приосененную нарече, из Неяже Святый прииде Бог воплощаем.

Песнь 5

Ирмос: Ужасошася всяческая о Божественной славе Твоей, Ты бо неискусобрачная Дево, имела еси во утробе над всеми Бога, и родила еси безлетнаго Сына, всем воспевающим Тя мир подавающая.

Святый Архистратиге Михайле, моли Бога о нас.

Явился еси предводящ древняго Израйля, столпом облачным во дни, и столпом огненным в нощи, Михайле безтелесный, Ангелов Архистратиге.

Святый Архистратиге Михайле, моли Бога о нас.

Невещественными озаряем сиянии присно, причастием же богочаальным, и нам светодательное озарение подавши, Первоангеле, призывающим имя твоё.

Слава: Украсися благодатию пречестный твой храм, в том бо незримо являясь, яко врачевств источник неоскудный, Михайле Первоангеле, всякия страсти потребляеши.

И ныне: Умных Ангелов Тя показа Бог вышшую, вселився в Твою ложесна, Чистая Всенепорочная, Егоже моли всегда, ущедрити поющия Тя.

Песнь 6

Ирмос: Божественное сие и всечестное совершающе празднество, богомудрии, Богоматере, приидите руками восплещим, от Нея рождшагося Бога славим.

Святый Архистратиге Михайле, моли Бога о нас.

Радуется верных множество, благохвалящее тя, Михайле, и славит Всесвятаго Бога, дивне совокупльшаго земнородных со Ангелы, Своёю благодатию.

Святый Архистратиге Михайле, моли Бога о нас.

Воинства Израйлева многожды спасл еси являясь, Михайле, и божественная подай повеления, и враги в конец низлагая.

Слава: Яко виде тя Иисус Навин, поклонися, вопросив честнаго твоего и святаго имени, благоговением же и страхом одержим.

И ныне: Блажени людие присно блажащие Тя, яко Бога Всеблаженнаго рождшую, иже земная за милосердие неизреченным единением с Собою обожил есть.

Песнь 7

Ирмос: Не послужиша твари Богомудрии паче Создавшего, но огненное прещение мужески поправше, радовахуся поюще: препетый отец Господь и Бог, благословен еси.

Святой Архистратиге Михайле, моли Бога о нас.

Начальник Ангелов бысть Михайл Архангел, славится же с ним тайник благодати и Девы обручитель всечестный, Гавриил, радость предвозвещая вопиющим: людие, превозносите Христа во вся веки.

Святой Архистратиге Михайле, моли Бога о нас.

Ангелов начальники боговидныя и светоносныя, Михайла и Гавриила, наши благия утешители, и предстатели и Хранители, восхвалим верою велегласно.

Слава: Красен и всеблагорепен и боговиден сый, вождь паче ума невещественных духов был еси, Михайле светозарнейший, с ними убо о всех нас молися.

И ныне: Ума превечнаго истинное Слово соприсносущное, Дево, в Тя неизглаголанно и страшно всельшееся видя, возопи Гавриил Архангел: радуйся Престоле Высочайшаго, Препоблагословенная.

Песнь 8

Ирмос: Отроки благочестивыя в пещи, рождество Богородично спасло есть: тогда убо образуемое, ныне же действующее, вселенную всю воздвизает пети Тебе: Господа пойте дела, и превозносите Его во вся веки.

Святой Архистратиге Михайле, моли Бога о нас.

Мысленных существ безтелесных чиновачальник, человек же предстатель благоуспешен, и Божий служитель, Михайле, показался еси преславно, зовый: вся дела Господа пойте и благословите.

Святой Архистратиге Михайле, моли Бога о нас.

Яко светильника два пресветлая, Михайле и Гаврииле Архангели, Трисветлаго Божества сияньми всю тварь просвещающий, лютых мглу отгоняете.

Слава: Яко добрии кормчии Архангели, ко пристанищу божественныя воли душевный корабль мой направите, от бури грехов падший и бедствующий.

И ныне: Невестокраситель, божественный Архангел представ, возглашаше Тебе: радуйся, Невесто Божия Безневестная, Ангелов славо и человекон спасение и ограждение.

Песнь 9

Ирмос: Всяк земнородный да възграется Духом просвещаем, да торжествует же Безплотных умов естество, почитающее священное торжество Богоматере, и да вопиет: радуйся Всеблаженная Богородице, Чистая Приснодево.

Святой Архистратиге Михайле, моли Бога о нас.

Благорепие всечестнаго храма твоего, Архангеле, священнотайне твоим присутствием осияваемо, чудес молнии испущает и тьмы недугов отгоняет Божественною благодатию.

Святой Архистратиге Михайле, моли Бога о нас.

Яко двоица прекрасная и светолепная суща, Владычним повелением сущим на земли служите, Михайле преславне и Гаврииле досточудне, от лютых

изымающе, и всем просвещение посылающе спасительное, Божественным Духом.

Слава: Днесь радуются с нами безтелеснии умы, воспеваема видяще своего великаго и светлаго Архистратига, и любовне с нами сопризднуют, Жизнодавца величающе.

И ныне: Глас божественнаго Гавриила приносим Тебе радостно, Всечистая, и взываем: радуйся раю, посреди древо жизни имеяй. Радуйся Бога Слова Жилище и Чертоже: радуйся воззвание Адама и всего рода человеча.